

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

موعظہ

خُطْبَةُ مَوْاعِظٍ

خطبہ

۲۴

عبدالرشید ابراہیم انڈری مضر تری طرفندہ
ایاصوفیہ جامع شریفندہ

اعوذ باللہ من الشیطان الرجیم . بسم اللہ الرحمن الرحیم .
(وجاہدوا فی سبیل اللہ) صدق اللہ العظیم .

جذب واجب الوجود مؤمنلہ جہاد ایلہ امر ایڈیور . جہاد کہ
بزم دیانت اسلامیہ عبادتک الذافضلی در . صلی اللہ علیہ وسلم حضرت تری
بیور مشرکہ : (افضل العبادات ، الجہاد) عبادتک افضلی جہاد در .
جہاد علمای اسلامیہ عندندہ ایکی قسمدر : فرض عین ، فرض کفایہ .
فرض عین اولان جہاد ، جہود علما نظرندہ ممالک اسلامیہ دن برینہ
اعدا تجاوز ایدرسہ اوزمان جہاد فرض اولور . بوکون بزم مملکت مزہ
کفار تجاوز ایتشدر ، جہود فقہانک قولہ بناء جہاد بوکون مؤمنلہ
فرض عین در . فقط بو فرائضک حدودی ، (الاقرب فالاقرب)
قاعدہ طبعیہ سنہ بناء ، تحدید ایڈیشدر . فرض عین اولقلہ بتون
دنیاہ کی مسلمانلرک میدان جہادہ اثبات وجود ایتلری لازم کلز ؛
بلکہ مسئلہ علاقیہ و منطقہ قریبتی اولان کیمسہ لہ فرض عین در .
اونلرک موجودی کفایت ایتزسہ لزومی مقدارندہ بعید اولانلرہ
فرض عین اولور .

بوکون بزم مملکت مزہ دشمن تجاوز ایتشدر . بالخاصہ بومملکت ،
دشمنک طمع ایتدیکی بوقطعہ ، بزم برولا ایتزدر . بورایہ دشمنک
تسلطی اوزرینہ عموم اہل اسلامک ذمتہ مدافعہ وظيفہ سی ترتب
ایدر ؛ شریعت بتون دنیاہ کی مسلمانلری بوبادہ علاقہ دار کوریور ،
وبتون افراد امتی ایفای وظيفہ یہ ، بذل حمیتہ دعوت ایڈیور .

زیرا بومحاربہ مرہ نہ قدر طرابلس غربہ منحصر کی کورونیورسہ
نتیجہ دہ بتون عالم اسلامیت و انسانیتہ سرایت ایتک جہتی وار . زیرا
بوتون مدنیت ادعاسندہ بولونان بر عالمک یوزسنہ دنبری قور مقدمہ اولدینی
سیاستک ایکی سوزلہ خلاصہ سی : اسلامہ صوک ضربہ نی بتون دہشتیہ
اورمق ونہ یایوب یایوب اسلامیتی اورتہ دن قالدیرمق در . بو فکری
شیطان بونلرہ تلقین ایتش . سنہ لردن ، عصر لردنبری بوسیاست دوام
ایتکدہ در . تمام بر آز کندی مزی طویلامیہ باشلاہ جغمز صر دہ
بر محاربہ آچارلر ، جنازہ مزی قالدیرمہ حاضر لانیلر .

بودہ احتمال ، اونلرہ صوک ضربہ ایڈی . آفریقادہ مسلمانلرک
نامنی قالدیرمق فکریہ بو ایشہ کیریشدیلر . دشمن ظن ایتشدی کہ
بز آفریقادہ غایت غافل ، غایت ضعیف ، صوک درجہ تدبیر سز ،
تدارک سز بر حالہ بولونیورز . بونک ایچون یالکیز بر نمایشہ اوراسنی
ضبط ایدہ جک ، بر تنزہ عسکری ایلہ آفریقادہ مسلمانلرک قپوسنی
قپایہ جق . صوکرا کاغد اوزرندہ کی تقسیماتلرہ توسل اولنہ جقدی .

الحمد لله الذي دلت بدائع صنعته ومعجائب مملكته على انفراده بالايجاد
والانشاء . وذلت لعظمته هيئته وقهر سطوته رقاب العظماء . وكلت
عن حقيقة معرفته وكال صمدانيته افهام العقلاء . الاول بالقدم قبل ابتداء
جميع الاشياء . الآخر بالعز والملك والبقاء فسبحانه من اله اوضح ادلة
وجوده وخص المحققين بكشف الغطاء واكمل لهم المنه بما اولاهم من
كريم العطاء . فتح باب جوده للقاصدين ووفق العاملين لخدمته ووعدهم
بجزيل الجزاء . احمده على ما اولانا من الفضل والآلاء . واشهد ان
لا اله الا الله وحده لا شريك له شهادة ادخرها عنده ليوم اللقاء . واشهد
ان محمدا عبده ورسول خاتم الرسل والانبياء . صلى الله عليه وعلى آله
 واصحابه اهل الصدق والوفاء « اما بعد فيا بن ادم » من سواك لا يذوب
وقد رأى ما اليه هذا الدين الخفيف وصل . من سواك لا يموت وقد
تقدمت الامم وانت لم تزل تارة في شهوة واخرى في كسل . من سواك
لا يبرأ من الحياة وقد برئت نفسك منك وغتك شاع الزلل . من سواك
لا يحرم على عينيه المنام وقد حرم من الهدى والكمال . انت من اهل
الوجود معدود وكأنك معدوم غير معدود . انت لافي الدنيا لك سعي
مشكور ولا في الدين لك عمل محمود . انت تهتم بحظوظ نفسك وتقصر
في حقوق ربك المعبود . انت في طريق هواك معتدل وفي طريق مولاك
على غير اعتدال .

انت تقابل اخاك بوجه بشوش لكن اللسان مبرد والقلب اسود . انت
تكره الوشاية والى العدو بالوشاية في اخيك تتودد . انت اذا اغتني الاجنبى
مدحت واذا اغتني المسلم كان لك قلب من الحسد يتوقد . انت لو نصحت
نفسك لا تغتكت عن القيل والقال . انت في داخل البيت تسيى الى اهلك
وفي خارجه تتظاهر بالحاسن وتلتطف . انت للفقير تحتقر واذا هفا
تحتد . وللغنى تعتبر واذا غضب تتعطف . انت على المسلم تهوور ومن الغريب
اذا حلق عينيه تخوف . انت تجسس اخبار الناس واخبارك معلومة
للملك المتعال . اذا كنت في سكرة فافق واجعل قلبك مع سائر القلوب
في اتفاق واتحاد . وان كنت في غفلة فتنبه ولا يكن لك على غير نفسك
وربك اعتماد . تب الى الله فقد مضى زمن الفساد وجاء وقت الرشاد .
ونج قلبك واتق ربك فوقك العصيان قد طال = روى الامام احمد
عن معاذ بن جبل انه سأل النبي صلى الله عليه وسلم عن افضل الايمان
(فقال ان تحب لله وتبغض لله وتعمل لسانك في ذكر الله) قال ماذا
يارسول الله (فقال وان تحب للناس ما تحب لنفسك وتكره لهم ما تكره
لنفسك) صدق رسول الله

على شيخ العرب

بو آیت کریمه ده تصویر اولدینی وجهله حقیقه دیوارلر آرقه سندن ، استحکاملر ایچنده محاربه ایدن قوزقاق بر دشمنه هجوم ایچون او قدر چوق آدمه احتیاج یوق . دشمنک او عظیم قوتنه قارشى مسلمانلر یکریمده ، اوتوزده بر نسبتند قوتله کیدرلر ، ینه دشمنی مقهور و پریشان ایدرلر . بو خارق العاده بر حالدر . انسان بوکا قوه بشریه مز . بو جناب واجب الوجودک و عدیبوردینی نسرت الهیه در . بونی نه فن قبول ایدر ، نه عقل . مابعدی وار .

تشیانسیا

محاربه نك يكي دوره سی

خناق قلعه بومباردمانی طرابلس غرب محاربه نك يكي بر دوره یی کیرمکده اولدیغنه بر سبب و دلیل کافی کبی عد ایدیه بیلیر . معلوم اولدینی وجهایله ایتالیا طرابلس غرب محاربه سنه کیریشدیکی زمان حکومت سائر مه محاربه نك يالکر طرابلس وجواریه تحدید ایدیه جکنه ، قطعاً توسیع دائره ایتیه جکنه دائر تأمینات ویرمشدی . کرچه محاربه نك ابتدا لرنده بیله ایتالیا دونماسنک پرومزه و دیگر سواحل عثمانیه تجاوزی شو تأمیناته طبان طبانه ضد اولارق ایتالیا حکومتک عهد و میثاقلرینه قطعاً امنیت ایدیه میه جکنه بر دلیل کافی تشکیل ایدیوردی ؛ لاکن حکومت مذکوره شو حرکات عهد شکنانه سنی « سوء تفهیم » ، « دونما قوماندانلرینک خطاسی » صورتند تاویل ایله آوروپا حکومتلرینی یکی دن تطمین ایتدی . فقط محاربه اوزادجه ، ایتالیانک آفریقاده کرفتار اولدینی مشکلات تعدد ایتدجه ایتالیا حکومتک طرابلس غربده عجز وضعی کرک ایتالیاده ، کرک باشقه برلرده تظاهر ایدیوردی . ایتالیانک محاربه یی باشه چیقارامیه جغه ، بالاخره خاسرونادم بر رجعت فاحشه یه دوچار اولاجغنه دائر هر کسده بر قناعت قطعیه حاصل اولیوزدی . بوايسه ایتالیا ایچون خارجده عظیم بر عار و حجاب ، داخلده ایسه افکار عمومیه نك صوک درجه تهیجنه سبب اولیوردی .

یدی آیدنبری تمادی ایدن طرابلس غرب محاربه سنی ایتالیانک شرف و حیثیت بین الدولیه سنی تمامیه محو ایتدی . ایتالیادولتنک اصلاقیمت عسکریه سی اولمادینی ، دول معظمه صره سنده بولونمسی بر سوء تفهیم نتیجه سی اولدینی تمامیه آشکارا ولدی ؛ داخلا اهالی کنیدلرینک صوک درجه فاحش بر صورتده حکومت طرفندن آلتائش اولدیغنی آکلامیه باشلادی ، طرابلس غرب سفری ، حکومتک تأمینانه رغماً ، بر عسکرى اکلنجه یینه ، مدهش بر فلاکت حاضر لایه جنی نمایان اولدی ؛ ایتالیا افکار عمومیه سنده بوندن طولای حکومت و خاندان علینه مدهش بر عدم خوشنودی تظاهر ایتدی . ایسته بو خوشنودسزلنی دفع ایتک ایچون ایتالیا حکومتی مجنونانه و سرسریانه بر صورتده بر طاقم بلوفره ،

فقط جناب قادر مطلق عدالت سبحانیه سنی کوستردی ، قرآن عظمت شاننده کی و عدربانیسی ایفایوردی . کفارک پلانلرینی پریشان ، دسیسه لرینی آلت اوست ایتدی . فقیرکز بالذات بو محاربه یه اشتراک ایتدم ، طرابلس غربک بنغازی منطقه سنه ، درنه جهتلرینه کیتدم ، اوراده کی مجاهدین کرامک احوال حاضره سنه دائر اولدجه کسب اطلاع ایدم . هر نه قدر اوراده تدارکات حربیه تامنه بزم بر شیشمز یوق ایسه ده ، مؤمنلرک قلبی غایت قوی در ، جهاد صوک درجه بزم مطلوبمزه موافق جریان ایدیور ، جماعت مسلمینه ، اوراده کی مشاهداتی جناب حقک بونعمت عظماسنی تبشیر ایتیمی بر وظیفه عد ایدرم .

[صاغ اولک]

معلومدرکه بومسئله بتون عالم اسلامه عائددر . هندستان وجاواده بیله مسلمانلرک حسیات معنویه لرینه طوقوندی . جمله سی بوتجاوزک مسلمانلر ایچون آغیر بر ضربه اولدیغنی حس ایتدی . جمله سی (وجاهدوا فی سبیل الله) امرینه امتتالاً کیسه حیتلرینی آچه رق میدان جهاده کی مسلمان قارداشلرک امدادینه یتشمکه ، ولومالاً اولسون ، شتاب ایتدیلر . یالکر مصرده کی اخوانمزک معاونتلی بنم مصردن مفارقمه قدر سکسان التی بیک لیرایه بالغ اولمشیدی . ارزاق ، اشیا وسائر بتون احتیاجاتی مجاهدله یتشددیلر ، حکومت مزده کندی حسابنه لوازم حربیه یی اوراده کی اخوانه یتشددیلر . بوسورتده اوراده کی مجاهدلر کال جدیدته ، کال حیتله مملکتی ، وطنی حمایه و مدافعه ایتمکه ؛ فرض اولان جهادی ادایه ، اللهک امرینی یرینه کتیرمکه اوغراشیورلر . هر نه قدر دشمنک قوه مادیه سی ، بزم قوه مادیه مزه نسبتله ، پک بیوک ایسه ده ، یعنی اونلره نسبتله بزم ادوات حربیه مز اوراده هیچ یوق کبی ایسه ده ، ابتدای محاربه دن بوکونه قدر مظفریت دائماً مجاهدین اسلامیه طرفنده در . مغلوبیت ده دشمنلر ، کفار طرفنده در .

بوده اللهک وعد سبحانیسی در . (ان الله لا یخلف المیعاد) الله وعدنده خلف ایتمز . (ولینصرن الله من ینصرنه) البته الله نصرت ایده جکدر ، اوکیسه لرده که اونلر الله نصرت ایدرلر . یعنی اعلاى کلمه الله ایچون محاربه ایدنلره ، الله یولنده جهاده کیدنلره الله یاردیم ایدر . بر طرفدن کوکلوکیدن حیتلی ضابطلر مز ، شجیع عسکرلر مز ، دیگر طرفدن اهالی کرام دینک ، وطنک مدافعه سنه شتاب ایتشلر ، کیجه کوندوز الله یولنده فدای جان ایدرلر . الله ده هر وقت بونلری غالب ومظفر قیلیمقده در . بن کندی مشاهداتمدن معلومات ویره جکم که ذره قدر مبالغه ، یالان احتمالی یوقدر .

[حضرت ، بوراده مدهش بر محاربه یی تصویر ایتدی] ایسته بو ، صرف جناب حقک مسلمانلره اولان عنایتی در . الله سبحانه وتعالی حضرتلری اونلرک نه فطرتده اولدقلرینی بیلیر . اونک ایچون بوندن بیک اوچیوز سنه اول (لایقاً تلونکم جمیعاً الا فی قرى محصنه او من وراء جدر بأسمهم ینهم شدید تحسبهم جمیعاً وقلوبهم شتی) بیورمشدر .